



ЛИСЕНЬДИ III-це КИЗОСЬ

Мокишэрънь ВЛКСМ-нь

обкомть и Саранскаень

горкомть газетасна

Адрессь: г. Саранск, ул. Ленина 9

Телефон № 1-72

16

МАРТСТА

1936 КИЗОНЯ

31 (277) №

Лисеньди ковти 12-ксть

# Колхознай велень комсомолсь

Колхозонь од ломатьтне эряйхть социализмат паньфокс паньжемань и вишкста касомань пиньста. Синь кассть колхоз-нень инкса тюремаса, синь сяди сире представительсна получать боевой крещения кулачеством мархта вишкя схваткаты эса.

Тяниень колхознай велень од ломатьтне эряйхть и воспитанда-кшневишкста стама условияса, мзярда велеса аш ингольдет кодыма деления батракт, ашуфт, середнякт, кулакт, мзярда путф пе-и кулацкай кабалати, и нищетати, и ашу шити. Велесь арси мар-нек социалистическайкс, а ло-матьтне, конат работайхть мо-даты лангса,—социалистическай труженикыкс, конат эряйхть культурнайста и зажиточнайста.

Колхознай велень од поколе-ниясы, молемок Сталин ялгаты указаниязон коряс, большевист-скый партия и ленинскый ком-сомолть руководстваснон ала, мекольпелень кизотнень эзда сатсь эсь тевсонза пях оцю сатфкст. Тьожатть од трактористонь, бри-гадиронь, комбайнеронь, хлоп-коробонь мяштыса красован-дайхть Ленинонь и Трудовой Як-стерь знамянь ордетт. 600 тьо-жатть трактористнень эзда 480 тьожаньць лиякс мярьгомс 80 процентсы—комсомольскый воз-растсы од ломатт. 13 тьожатть агрономтнень эзда—30 процентсы комсомолецт.

Аш стама почетнай профессия, стама стака работа велеса, коса ба афоль лака колхознай од ло-матьтнень энергиясна, конат жад-найста тоначнхть техникать, на-укать, станя жа, кода аш стама ужения пях оцю колхознай пак-сятнень лангса, коса ба афоль маряв, афоль няев комсомолть действительност. Ули кода аф сом-невандамс, што комсомолсь, сем-бе колхознай од ломатьтне сат-нхть од сатфкст сталинскый ло-зунгть—маластонь колма—ниле кизотнень сатомс 7—8 милли-ардт лудт сора—инкса тюремаса, колхознай стройть од сатфк-сонзон инкса тюремаса, работань стахановскый норматнень, ре-корднай урожайхнень инкса тю-ремаса.

Комсомолсь вишкста аноклай эсь сембе союзонь с'ездонхты, конац максы советскый од ло-матьтненьди социализмат ком-мунизмат йотамаса од обста-новкаты эса работамань прог-рамма

Тяни, улема, сембе шарьхо-дезь, што комсомолть основной запаца—советскый сд ломать-тнень коммунистическай воспита-ниясна. Но шарьходемс зада-чать—тя ниньге аф сембе, эря-ни маштозь тюремс сонь пяхко-деманц инк а. Тя тиеньдеви аф сембе вастова. Велень комсо-мольскый организациятнень эса лама корхнхть од ломатьтнень воспитандамаснон колга вообще, лама болтандйхть. Ломатьтне сидеста аф шарьхокчесазь, мезьста должна тиеньдевомс вос-питательнай работась велеса, и ушечнхть живолгофнемост ку-

нара ни кулсеф (отжившай), як-стерь вечеринкатынень, сембе культурно-воспитательнай рабо-таты сидеста веляфнесазь гар-мошкаты лангс.

Колхознай велесь, сембедонга пях од ломатьтне, кунара ни ка-дозень фталу (переросла) куль-турно-воспитательнай работань ня первичнай форматнень. Касы колхознай од ломатьтнень пях оцюфт культурнай ломанень зап-россна. Синь эздост тьожатть тра-ктористт, комбайнерхт, машинистт бригадирхт Союзть центральный полосасонза сембе од ломат-тнень эзда 15 процентсы сред-ней образования мархтот. Колхо-знай од ломатьтнень эзда касы од интеллигенция—учительхть, агрономт, зоотехникт, механикт, селекционерхт конструкторхт, артистт, бухгалтерхт. Подрост-катынень оцю пяхкссна тонафни семилеткатынень, колхознай од ломанень школатынень, техни-кумтнень эса.

Материальной благополучият касоманц мархта касыхть и аш кода аф касомс культурнай за-просненьди. Комсомолсь обя-зан лездомс, касфтомс культу-рань ня могучай ростокнень, ся-да курск и сембе ширьде пях-кочнемс од ломатьтнень вашф-ксснон. Кда тя аф ули, то сонь и пях лама средстванза и пях лама энергиясна могут тумс ложнай кигя. Тяникигы ни аф кржа стама фактта, мзярда од ломанень кой-кона слойхне по-лучамок оцю заработок, йотаф-несазь сонь пях лама обувонь, платьян, лишнай мебелень рам семс. Сяка жа пингть нят од ло-матьтнень сидеста аф эряй синь ценя радиосна, гитарасна, а кой коста аф сьорматфнхть газе-татка.

Колхознай од ломатьтнень ка-сы вещьфксснон васьфтема ком-сомолти эряви сяди оцю потокса шашфтомс вели ошень культу-рать, видефонь советскый ис-кусствать—театратнень, киноть,

радиоть, научнай лекциятынень и ст. тов. Тя тевса фсякай лаца поощреният заслуживандакш-нхть комсомолонь ЦК-ть мар-хта пуропневи кинофестивальне, конатынень од ломатьтне прим-сесазь оцю восторг мархта.

Ряцок сембе культурно-воспи-тательнай работать цебарьгоф-томанц мархта пинге, кунара ни пинге одукс тиесм велеса тех-нической образованиян системать. Комсомолть инголе ащи пях оцю задача—анокламс сем-бедонга разнообразнай квалифи-кациян кадрат. Пинге кустар-шинать, курсовой мероприятиянень эзда йотнемс серьезнай планомернай работати. Комсо-молти эряви вишкста тюремс тяниень семилеткаты базанц лан-гса средней технической шко-лань тиесмат инкса. Тя обеспе-чендасы средней звеноть воспи-таниянц и анокламнц и касфцы велень хозяйствать мольфтемаса общей культурнай уровень.

Ленинскый комсомолти фкявок минута аф эряви юкснемс, што политтоафнемась, марксизмат-ленинизмат и партият историй-янц тонафнемасна ащи основат-нень эзда основакс, задачатнень эзда задачакс. Минь странасонк од ломаньць должен улемс васен-дакыг глубоко идейнай ломанькс, ибо сатомс стальной воля, яснай цель и революционной бесстра-шие можна, анычек кда улят во-одушевленной марксизмат-ле-нинизмат великай идеятынень мархта.

Тянь сембень анычек отвагаса аф сясак Тяза эряви упорнай, эрь пингонь тонафнема, иуель-ба оцю эльбятксокс арьсемс, што минь од ломанеке касыхть синь эсь воля, што сембе ка-чественна, конат эрявкстыхть бу-душай боецненьди и коммуниз-мань строительхненьди, пярехть менельста, лисихть апок учсек. Минь странасонк нингя аф кр-жа пережидкада ломаттнень экономиясост и сознаниясост,

капитализмань „родимай пят-нада“, бескультурьяда и аф-грамотностыте, эрект нингя разгромленнай класценень лядыкс-сна. Од ломаттнень и идьтнень воспитандамасна ащи пях оцю партийнай и государственнай задачакс, и сон должен улемс подчиненнай тяфтама сиенань анокламат интересонзонды, ко-нац сумеет аделамс коммуниз-мань строяма великай тевть.

Кда инголе комсомолть инголе ашесь задача—крестьянскый од ломанень башка слойхнень пу-роптомасна и воспитандамасна (батрактнень, ашуфнень, серед-някнень лучшей пяхксснон), то тяни комсомолсь обязан фатямс эсь влияниянц мархта; коммуни-стически воспитандамс сембе 25 миллионнай колхознай цьорань и стирень армиять. Тевсь тя труднай и пях сложнай. Эрявихть громадной усилият, ленинскый комсомолть сембе виензон вели-чайшай напряжениясна.

Дряй можна тя огромнай за-дачась пяхкодемс велеса комсо-молть тяниень составонц мархта, сонь карликовай первичнай ор-ганизациянзон мархта? Тяни ве-леса—колхозга и совхозга—при-мерна 1½ миллиотт комсомолецт. Ламонц первичнай колхознай организациятнень эса лувондови эсь рядсон эса 5 ломаньцта сявомок 10 ломаньць молемс. Ули нингя вреднай традиция кирь-демс касомать (рост), регулиро-вондамс сонь сире социальной признакнень коряс. Тя ватьсь сянды, в частности, што комсо-молса лувондови 30 тьожаньда лама единоличникт, лиякс азомс инь фталу лядф од ломаттнень эзда. Тяка мархта рядс пях кржа од интеллигентга, колхознай ве-лень действительно передовой ломаньда.

Мекольпелень кизотнень эзда касы и колхозга и совхозга за-мечательнай одломанень огром-най армия. Синь йоткссот—тьо-жатть стахановецт, лучшей тракт-оритт, комбайнерхт, бригадирхт, агрономт, учительхть, механикт, учбань отличникт. Эрявихть нят передовой од ломаттне таргамс комсомолу, шарфтомс союзонь первичнай организациятнень сем-бе касы поколениять коммуни-стическайста воспитандаманц инкса массовой ячейкакс. Сяс мес тяфтома аш кода кемокстамс сяди тов велеса комсомолть, аш кода йотафтомс эряфс сембе колхознай од ломаттнень воспи-тандамаснон колга задачась.

Сяда келептест эсь организа-циян фронтоньтень, комсомолецт ялгат, крхканьста колхознай од-ломаттнень йоткс! Партиять ру-ководстванц ала, Сталин ялгаты руководстванц ала воспитандада смена, кона достойнай минь ве-ликай партиянеконьди, минь мо-гучай родинаньконди!

А. Кузьманский.

(„Правдаты передовоец“)

## Аноклайхть олимпиадаты

Саранск. Рабфаконь комсомолонь комитетть и профкомть инициати-васнон мархта мартть мекольце шинзон эзда йотафтови общераб-факовскый самодеятельнай искусс-вань олимпиада.

Йотась ков ни, кода рабфаконь кружокне, группатне, башка сту-дентне и преподавательхне анок-лайхть тя олимпиадаты. Тя олимпи-адась арьсези тиесм рабфакса на-стоящай правдикокс.

Сембе кружокненьди кемок тафт преподавательхть олимпиадаты анокламаса, конат йотафнхть си-стематическай работа

Программаса кармайхть улема всякай лаца номерхт. Физкультур-най агитгруппатне аноклайхть вся-кай ладса выступлений и пирами-дат. Хоровой кружоксь аноклай мокшень, рузонь, эрянь кяльса морхт и частушкат.

Аноклавихть мокшень, эрянь, рузонь, украинскый и западно-ев-ропейскый танецт. Кой-кона студент-катне аноклайхть балетнай номерхт.

Литературнай кружоконь четте-не лувсазь эсь произведенияснон, а станя жа лувихть мокшень и э-рянь башка писательхнень произ-веденияснон.

Вишкста аноклай олимпиадаты и струнной оркестрсь. конац кар-май морама всякай лаца морхт.

Станяжа олимпиадаты вишкста аноклайхть преподавательхневок конат кармайхть няфнема всякай лаца номерхт.

Башка студентне аф азондсазь, мезе аноклайхть олимпиадаты.

Олимпиадаты йотафтомонза пу-ропфт комиссия, конац маластонь шигнень ваньшыне олимпиадаты аноклаф номерхнень.



# Якушинский иденъ кудонъ разложившай руководительхне

Йотай кизоне, сентябрь 19-це шистонза ВЛКСМ-нь ЦК съ эсь решениясонза няфць сянь лангс, што Якушинский иденъ кудса (Рузаев кань районца) аф йотафневи кода мовок работа, што руководствать эса ашихть антисоветской элементт, конат воспитательнай работать васц йотафнесть разлагательской работа. ЦК-ть тя решениянц вельде ульсь валхтф сембе руководствась а Рузаевкань комсомолонь райкомонь секретарьти Рожков ял гати ульсь максф выговор. Така-жа решениять эса Рузаевкань РайОНО-нь заведующайсь ульсь валфт работаста сяс, мес, сон кода мовок руководства ашезь макссе Якушинский иденъ кудти.

ЦК-ть тя решенияц Якушинский иденъ кудонъ работникненьди эряволь лувомс оцю уроккс, но директорсь Аверияновсь исъе лув эрявиксокди комсомолонь ЦК-ть решениянц пашкодеманд. Мянъ тачинь шис сембе основной воспитаюшай работникнень йоткса апака машфт винада симондема и бытовой разложениясь. Директорть полафтыец (по воспитательной части) Тумаевсь тозк иденъ кудса пуроп-есь винада симондема компаният и сембе шабатнень йоткова яксекшнесь иредста. Тумаевсь разлогался аф ськамонза. Сонъ „активной саратникоц“ ульсь воспитательсь Полибинц. Полибинц иденъ кууса эсь прянц вьезде кода прокс разложившай ломань. Сон 3-5 ши ашезь лисенъне работам. Кода Полибинц, а стая жа Тумаевсь идетьнень мархта обрашондакшнесь грубайста а сидеста те-всь пачкодкшнесь аф цебяръ ва-

лс. Нят кафке песта - пес разложившай элементтне юмафтозъ аф анычек комсомольской советсьнон, но даже гражданской советсьнон и идетьнень (лангса издевандакшнесь, кода синь думондасть мянь сянь самос, што тялонда идетьнень паныцезь ульцяв. Аф ичкизи нят мелкобуржуазнай уродтнень эзда тусь счетоводсь Горбуновсь. Горбуновсь иденъ кудса пуропнезень сембе работникнень симондема, аф вестъ кепсесь тюрендема сембе работникнень мархта.

Мезс вьезде нят сембе безобразиятьне иденъ кудста работать?

Дисциплинась идетьнень йоткса ковонга аф коньдисти. Идетьне кодамовок режим аф ванондыхть, а воспитательхне тянь шири мяль аф шарфнихть Шовдава идетьне стяхшихть 5-6 частса, а мадондыхть киньди мзярда эряви. Лама идеть лоткасть якамода школав, посещаемость пачкодсь 50-60 процентс. Сянь вастс, штоба идетьнень йоткса йотафнемс воспитательнай работа, нят головатяпне йотафнесть лия „воспитательнай“ работа, синь колма шиста школаста панытьсь 6 идеть.

Аф кирьдевшошка калдываста ульсь лядяф пионеронь работась. Пионервожатайсь Мирковсь кодамовок воспитательнай работа пионерхнень йоткса ашезь йотафне. Пионерхнень стирьнятьнень и цюранятьнень йоткса мянь мекпальденъ пинкненьди ульсь кяжъ и тиеньдевь рознь. Соньць Мирковсь аф вестъ шорсевсь сембе разложившай элементтнень мархта винада симондемаса.

Идетьнень йоткса кодамовок цебяръста ваймама пингонъ работа

из пуропнев. Иденъ кудса ульсь лама лыжада, но синь нят головатяпнень мархта салсефт и идетьне лыжат тиеньцьть синьць бошькень досканяста.

Иденъ кудонъ директорсь Аверияновсь юмафтозе сембе классовой бдительностенц и нят разложившай элементтненьди сембе вастса максесь воля. Сон эсь прянц шарфтозе пуста завхозкс, а воспитательнай работать лангс ванонц сурпачк. Сядонга калдыв, директорсь Аверияновсь няеньдезень нят сембе безобразиятьнень, но сон синь лангзост ванонц и приказда башка кодамовок мерат ашезь примся.

Нят сембе безобразиятьнень ингс, конат тиеньдевь Якушинский иденъ кудса оцю ответственность канды Рузаевкань райОНО-сь. Райононъ заведующайсь Колосовсь пятай кодамовок выводт эстеенза ашезь тий ВЛКСМ-нь ЦК-ть решениянц эзда. Сон тя иденъ куду яксекшнесь кода инжи. Сон кодамовок методической указания ашезь макссе. Вестенга ашезь интересовандакшне воспитательнай работать колга.

Нят сембе афсатыкснень лифтезень лангу Рузаевкань комсомолонь райкомсь, но сон тожа анычек тани лифтезень, а вдь нят безобразиятьне таргавихть 2-3 кофт.

ВЛКСМ-нь обкомонь бюрось эсь решениясонза валхтозень работаста, панезень комсомолста, и суду максозь Горбуновть и Полимовть. Валхтозе комсомолста и работаста директорть полафтыенц Тумаевть. Тяконъ мархта обкомсь лифць путфкс, штоба Якушинский иденъкудть кемокстамс цебяръ кадраса. Ларионов.

# ЭРЯВИХТЬ ПОЛНОЦЕННАЯ ПРОПАГАН ДИСТТ

Слободанъ районца начальнай политшколанъ руководителхнень эзда пяк ломосна, ламос работасть тя тевсост ВЛКСМ-нь райкомть бюронц мархта апака кемокста.

Мзярда синь ульсь пуропфт райкому и кармасть проверяюмт синь политсодамашиснон, то ламосна эздост аф анычек тонафтоме ломатъ, но и синьцьке мезевок аф содайхть. Испытаниясь ульсь тийф Карпинскаень учебниконц коряс. Ламосна истъ отвеча инъ тьожда кизефксненьди. Кепотьксоньди фикяти ульсь максф кизефкс:

— Кинь лувондсазь беднякокс, среднякокс и кулакокс?

— Конани аш алашац—бедняк, конац тракс и алаша мархта—средняк и кие кирьди работник—кулак, — тяфта отвечась рикстонъ пропагандистсь.

Изъ мув фкявок начальнай политшколанъ руководитель, конац ба азольхнень Ленинонъ мархта лифтьф колма лозунгтнень крестьянствовать колга.

— Мзяра СССР-нь ЦИК-нь председателъда?

— Колма,—ульсь ответ пропагандистть ширьде.

— Конац сядо оцю: ЦИК-сь али ВЦИК-сь?

— ВЦИК-сь,—ульсь ответсь.

И нинге лама тяфтама простой кизефкста конатнень каршес максфтольхъ аф виде ответ.

Ламоц тьаса зависит ВЛКСМ-нь райкомть эзда, а башка сонъ политучебанъ отделонц эзда (зав. Функова ялгась) сяс, што аш пропагандисттнень лангса кемья руководства, а кда аш руководства, то аш йотксост дисциплинавок.

Кепотьксоньди, макссть кизефкс райкомонь бюронъ члентти—совпартшколанъ комс. секретарьти Сатышев ялгати: „Мезе тиеньдеви тяниень пиньгть Япониясь?“ Сон отвечась: „Мон улень Саранскайсь“.

Тя корхтай сянь колга, што комсомольской руководителхне сидеста синьць аф кирьдихть ответственность эсь политсодамашиснон касфтоманд инкса.

Ламоц пропагандисттне аф якайхть срокстонза политтонафнематнень йотафтома. Вов кепотьксоньди Слободской Дубровканъ пропагандистокс кемокстафт Кошкин и Колгасов.

— Политшколанъ занятиятьне сязеньдевихть сяс, мес кемокстаф пропагандисттне политтонафнематнень йотафтома аф якайхть, корхтай Дубровканъ комсоргсь Бадяев ялгась. Тяфта жа райкомть бюросонза азозе Гумнанъ комсоргсь Королевсь, што пропагандистокс кемокстафт Кузьмин ялгась сембе февраль ковть йотамс вестеньге изъ яка политтонафнематнень йотафтома.

И ламоц велень организациятьнень эзга сязеньдевихть, и калдывста ладяфт политтонафнематне.

Сяда ладс работай Булаева велень комсомольской организациясь. Комсоргсь Ивакин ялгась политтонафнематненьди посещаемость касфтозе 93 процентс, февраль ковста йотафть стирьнянь и одаванъ 3 пуромкст, фатяфт неграмотностень и малограмотностень машфтомаса 45 стирьнят и одават и организовандась моторть тонафнема кружок.

Мзярда ульсь проверяф, кода пашькодкшнесазь 10-це с'ездти эсь лангзост сявф обязательстватьнень, то тя организациясь пятай сембе обязательстванзон пашькодезень.

Арги.

10 кизот кода кулось Д. А. Фурманов ялгась

## ДМИТРИЙ АНДРЕЕВИЧ ФУРМАНОВСЬ

Дмитрий Андреевич Фурмановсь шачсь 1831 кизоня декабрь 26 шистонза (январь 7 шистонза) Середка велеса, Середской волостьса, Нерехтской уездса, Костромской губерняса—тяни Нерехтской район, Ярославской областсь.

Вете кизос Д. А. Фурмановсь кассь велеса, сяс мес сонъ аляц и тяряц занимандакшнесь велень хозяйства.

1896 кизоня Фурмановть альянза тярянза йотасть эряма ошу—Иваново-Вознесенскай, кося тийсть кабак. Сяда меле Д. Фурмановсь тянь колга сьормадь „кодама противная валсь“.

1903 кизоня Д. Фурмановсь аделазе ошень школатъ, а 1908 кизоня аделазе торговой школатъ. Школа-са тонафнемста ни Д. А. Фурмановсь сьормадкшни дневник стих мархта, лувонды книгат: Лев Толстойть, Достоевскайтъ, Пушкинтъ, Лермонтовть, и стак тов. 1915 кизоне Д. Фурмановсь аделазе Московонъ университетонъ и торико—филологической факультетъ. 1915 кизоне тусь фронтъ, а 1916 кизоне сась меки Ивановав и примси участия рабочаень курсонъ пуроптомаса и революционной тевса Васенда ульсь левой эсеронъ рядса, но уш сонъ ульсь оцю склонностец большевикнень шири. 1918 кизоне сон сьормалы: „Мон аф муян эстине ки, аф удовлетворяндакшнесаманъ монъ кодамовок партия, и вов анычек большевикне кепсесазь монъ мялезень эсь цельснон мархта.“ Тя пингоне сон работай Рабочай депутатонъ советонъ председателти полафтыкс. Оцю работа сон йотафни советской властть пуроптомаса, агитациясь и пропагандаса. Тя пингоне сон васельсь Фрунзетъ мархта, конац оцю роль тийсь сонъ эряфсонза. Дмитрий Андреевичсь ни большевик. 1919 кизоне сон назначендави губернянь партийнай организациясь руководителхкс и губисполкомонь членкс. Тяста сон кучф фронтъ Фрунзетъ отрядс, кося сон назначендави Чапаевскай 25-це дивизияти комиссаркс, кона дивизиясь сон руководстванц ала арась инь дисциплинированной, стойкай дивизиякс. 1919 кизоня Фрунзетъ сонъ сявозе политуправленияв, кося кучф Турк фронтъ, а 1920 кизоне Фурмановсь кучф Реввоенсоветонъ уполномоченнайксъ Семиречьяв, кося кулацкай мятежть машфтомада меле йотась Кубани. Тяса сон ульсь назначендаф Якстере десантонъ комиссаркс Кавтюз командирть мархта Бойса ульсь кемоста контужендаф и ульсь казъф Краснай знамянь ордена Правондамода меле ульсь путф кубанскай армияти политуправлениянь началь-

никоскс. 1921 кизось Фурмановть сатозе Москуса и тя пингоне сонъ ушедсь литературнай деятельности. Сотрудничендай сон „Известиясь“, „Правдася“, тяконъ пингоне нолдась брошюрат „Красная армия и трудовой фронт“ и „Форма агитации и пропаганды“. 1921 кизоня сон нолдазе васеньце эсь книганд „Красный десант“, а 1922 кизоня нолдазе книганд „Чапаев“. Сяда меле нолдась повесть „В восемнадцатом году“, а 1925 кизоне печатлазе книганд „Мятеж“.

## Казахской АССР-са Западно-Казахстанской областень Сломихинский районть Фурмановской районкс лемдеманд колга

СССР-нь Центральнай Исполнительнай Комитетть путфксон. СССР-нь Союзонъ Центральнай Исполнительнай Комитетсь пунесы:

Удовлетвориндамс Казахской АССР-са, Западно-Казахстанской областень и Сломихинский райононъ советской, партийнай и общественной организациятьнень ходатайстваснон и Сломихинский районть лемдемс Фурмановской районкс, а Сломихино велеть—Фурманово велекс.

СССР-нь Союзонъ Центральнай Исполнительнай Комитетть председателец М. КАЛИНИН.

СССР-нь Союзонъ Центральнай Исполнительнай Комитетть секретаренц инкса И. УНШЛИХТ.

Моску, Кремль. Мартъ 11-це шистонза 1936 к.



# ЛИТЕРАТУРНАИ ЛОПАНИЯ

## ЭРЯФТЬ ИНКСА

IV-це П Я Л Ъ К С С Ъ

### Козяты хуторса

Тячи хуторсь  
Шинь перьф ушты явафты,  
Розь нумати  
Помочь терьдемс аноклай.  
Соньш Дригарьсь  
Позанц парьса шапафты,  
Миша атя  
Кяжи пурес медь таргай.  
А ляйт крайста  
Крхтам шине яфоди,  
Кафта тувот  
Тума рашкса нюрьгихть-ни.  
— Ха-ха! ха-ха!  
Катк народсь весть топоди,—  
Дрига рахазь  
Вал азсь тувонь кирьдити.  
Хуторть эса  
Корхтафсь, якафсь, сетьмозевсь,  
Шись садть вельфка  
Пинжем-якстерь сялыгт нолдась.  
А Дригарьсь  
Позань педямс сюфтем сясь,  
Сяпи комлясь  
Лангу кепощь,—шов торгась,  
Цютькя ащезь  
Мачкась баяр мархта ардсь,  
(Конат терьнефт  
Ниньге завторк малава).  
— Азк Илюжти  
Алашаснон пуца кардс,—  
Урванц пилес  
Дрига тошкась салава.  
— Мес жа тяфта,  
Цебярь инжихть, поздандасть?  
Кодама тефт  
Тарксезь питъни пингонтьень?!  
— О, Михалоч!  
Кода нинге кирьдсь трантазсь  
Виреть эзга.  
Самста эрьфнеськ тинькинтьень...

Тополь шуфтне  
Бта мяргат кулофт прокс,  
Садса якстерьць:  
Марьхть.

Вишнят,—  
И инизихть.

Козя Дригась  
Пряни кругомга сюре сотсь,  
Садть кунчкаса  
Симди анды саф инжихть.  
Мачкась, баярсь  
Ярхцайхть-симихть медь мархта,  
Шнасазь козятъ,  
Шнасазь мезе переса.  
— Мес аф эрямс  
Паксясь, аныцек монь кархта,—  
Прянь шнам шовор  
Баяртъ донясь пуреса.  
— Эряк!  
Шкайсь лиш максоль шумбраши,  
Пяшкса эрьхья—  
Мацидон  
И яксяргта!  
Сивай-айгорсь  
Хоть русакть-кя кундасы,  
Тя породась  
Повсь теень аф Саргаста.  
Ведть аф анца,  
Шарфты вельгев, драпкага.  
Ну, а ярхцамс  
Мезе кельгат сиват сянь.  
Ваность садсон  
Пяшкса нешка рамкада;  
Нюрьгихть вельхксост:  
Вишнят,

Грушат—  
Сливатьне!

Ну, а сьормас  
„А“—ть пряни лангс „афсодаса“,  
Видна тя тевь  
Теентть лацкас вятема.  
Горязе монь  
Тяни аныцек модаса,  
Вов тянь колга  
Теентть эряфсь петемаль...  
Тячи велангс  
Сайхть ширезон та „инжихть“,  
Ванды тяпингс

Пулфса ули паксязя.  
Весть анцайне  
Сякода стай шкаень шись,—  
Лядыкс крушкаты  
Мачкати сон кандозе.  
Колма велес  
„Помочьсь“ терьдихть кучсемь,  
Вачелотне  
Колма ширьде сайхть нума.  
А тинь эсонтт  
Рана киге учссемь,  
Ну а тяни...  
Сай нуйхеньди вастт нума.  
А тинь садса  
Ярхиседа вов иможда,  
Пуресь симовсь,  
Азса якан, та кандыхть.

Арда ляйты  
Уеньдема венезьса,  
Ваность кода  
Шинь лучатне ведсь валгяхть.  
Бояртъ мархта  
Мачкась садса кафонест,  
мачкаты вихца  
Баярсь симди пуредь.  
Фкя-фкянь сядлазс  
Кядьснон эса яфиейхть  
Стясть и сязозь  
Фкя фкянь кенерь кунода.  
Мальс туф грушатъ  
Мачкати сон сязезе,  
И тусьть рядсек  
Ваймосемь Севонть крайс.  
Баярсь щамони  
Л-й берякти ацазе  
Пшкядьсь друстка  
Вов лыш коса видекус „райсь“.  
Ванонць арьсезь  
Севонть крута беряконц,  
Кона ащи

Церькавпонга сериста.  
Ала томбась  
Вармафтома жолякоць,  
Страшна ваномс  
Ведсь ащи пяк кяжиста.  
Вярьля пяхксня  
Алда няевсть палакс юркс,  
Сери поюсь  
Нюдиень шувалмоса.  
Томбать перьфка  
Ведсь тиеньди ведень суркст,  
Аф ункстамшка  
Тя мезень крхкалмоса.  
Шись ни шопощь  
Лайсь волнат аф кевярьди,  
Калхне бокснон  
Комотнемста пиндолфнихть.  
Али стаянь, стаянь  
Уихть вель вярьгя;  
Кода таштне  
шобда веста чопафнихть  
Зарятъ лисемс  
Ушесь эшикс шобда ульсь,  
А лиссь зарясь  
Менельть якстерь занязе.  
А розь прятьне  
Коскья комлякс синьтьфста

нюрьксть;

Кальса кярсьись  
Вень сетьмоть блганязе\*.)  
Шобда вень вельхкссь  
Шинь стямаста илештевьсь,  
Сукна тюокс  
Ши мадомав кевяри.  
Инь пяк рана  
Хуторть эса Илюш стясь,  
(Сон работник)  
Уштом пенгакс олгт кяри.

\*) Блганязе—шорязе  
(Пец моли)

П. Казин

(Одс ушеды).

### Минь одкс шиньке

Минь мольхтыма стройса  
Рядсь рядса.  
Аф эрьфцасьи  
Минь ленинской кить,  
Кандаськ знамяньконь  
Пуворксу к-дья—  
Васьфтемс инь павазу шить.  
Кия модемста  
Ширес аф шарфты—  
Няйсы цебарьста  
Эсь виде кинц,  
И эряфстонок  
Сон аф ляды,  
Сонь аф шопди  
Мзярдонга шиц.  
Комсомолсь  
Моли партиять меле,  
Косарев ялганьке  
Командирсь.  
И-кадк содасы  
Перьф пяльде мирсь—  
Минь одкс шиньке  
Мезденга аф пели.

Вера Купцова

(Одс ушеды)

### Марса

Айда марса, ялгат, марса  
Паксянь тевоньконь тийсаськ.  
Вишке тевса, но аф валса  
Сьороста тишетъ лифтьсаськ.  
Сьорось касы аныцек тоса,  
Коса ванцазь мяленц лац,  
Тоса ули пяхкодьф товса  
Марстонь сьоротъ стака пряц.  
Марстонь эряфть тюрезь нельгоськ,  
Шитне павазуста сайхть  
И од павазть марса кельгоськ,  
Кода паньчфу лямбе майть

Комсомолъ воспитанникоз

## ПИОНЕРВОЖАТАИ

Комсомолонь горкомса Сергей  
Кузнецов комсомолецти мяргать:  
— Тейнек эрявихть пионервожа-  
тайхть. Тонь йоратядязь кучемс  
Пеллиненень лемса колхозу. Тоса  
эряви организовандамс пионерот-  
ряд.

Эряви азомс, Сергеень ашель  
мялец шабатненъ мархта возинда-  
шнемс: аше-ть тяньди пристрас-  
тияц и опытоцка. Сон содазе, што  
тя работась пяк оцю веши наприя-  
жение и изворотливост, маштома  
идьтненъ мархта обрашандама. А  
мезе мог тиёмс велень простой  
цьорась, кона аделась аныцек 5  
группат? Сергей мзярдонга ниньге  
ашезь атакзакшне кодамовок ра-  
ботада: работама сон машть це-  
ярьста, сонь эсонза ульсь при-  
мернай комсомолецень сембе ка-  
честватне, но тя работада инголе  
сон арьсезь:

— Мезе тинь ялгат!—Пшкядьсь  
Сергей,—да ништа пяхкодеви тей-  
не тя работась?

— Эряви пяхкодемс, тон комсо-  
молецат.

Спорямс ашель кодамовок поль-  
за. Теенза доверяндайхть, и сон  
должен пяхкодемс кодамовок ого-  
воркафтома. Сергей согласиндась.

Пеллиненонь лемса колхозсь  
ульсь пяле километрада сяда ичко-  
зе „10 октябрь“ колхозть коряс;  
коса Сергей работась рядовой  
колхозникоск. Сяка жа шиня, мзяр-  
да Сергей сась горкомста, сон  
тусь работамань од востозонза. Ва-  
сендакигя сувань школав. Тяс-  
сон арьсезь путомс ушедкс пио-  
неротрядть организовандаманцы.

Школань заведующайсь Тулупо-  
вась аф пяк цебарьста васьфтезе  
пионервожатайть.

— Тейть мезе?—Кизефтезе сон  
школав сувай простой, велень  
цьорать.

— Монь кучемань комсомолонь  
горкомсь тинь школасонотт пио-  
неротрядонь организовандама. Тон  
содасак, што тя работась пяк эря-  
викс и...

— Содаса, — пшкядьсь Тулупо-  
вась Сергейти,—но тон мзярдонга  
работать идьтненъ мархта?

Сергей ашезь учсе тяфтама вась-  
фтема. Сон арьсезь, што сонь  
васьфсазь радостнайста, пара-  
мьяльса, таникигя лездыхть планонь  
тиемста, да кржа ли арьсекшнесь  
Сергей?! А лиссь?..

— Мон тейть аф доверяндасайне  
идьтненъ,—корхтай Тулуповась,—  
тя тевь веши оцю содама шит.

— Содаса,—пшкядьсь Сергей,—  
А сембесяка мон карман работама.  
А тон тейне лездат.

Сяка жа шиня пуроптсь учени-  
конь марстонь пуромкс. Пуром-  
ксь пяк радостнайста васьфтезе  
пионеротрядть организовандаманц  
колга предложенихть. Сяка жа  
шиня организовандасть пионер  
отряд, кочкасть отрядонь совет,  
отрядть явозь звенава, кочкасть  
звенань вожатайхть. Тевсь саво-  
рне тушенды.

Сергей ульсь пяк рад васеньце  
успехть мархта, но мезе тиёмс сяд-  
тов? Отрядсь организовандаф, но  
тя аныцек тевь пялец; инь эряви-  
ксь инголе. Мезьста ушедомс ра-  
ботама? Кода? Мезе!?

Омбоце шинякигя Сергей тусь  
комсомолонь горкому лезксонкса.  
Кой-кода музе пионеротделонь  
заведующайть и азондозе теенза  
эсь стака положенихъ.

— Тон отвечат отрядть инкса,—  
мяргась заведующайсь,—а минь  
аф обязаттама кажнайти тиень-  
демс работамань платт.

Иля мезевок Сергееньди ашестъ  
аза Эрявьс кода-бди эстиенза ли-  
семс тя положенихъ эзда. Тяс и  
лездсь Сергееньди школань заве-  
дующайсь Тулуповась. Сергей эсь  
эрек шини мархта тусь сонь мяле-  
зонза и кармась нямонза, што  
тя аф простой велень цьора, а пяк  
цебарь работник—комсомолец.

Планць ульсь тийф.

Од пионервожатайсь, пионер-  
скай работаса сатсь лама сатфкста.  
Тя няеви сянь эзда, што йотафтф  
районнай идечь художественнай  
самодетельнай олимпиадаса. За-  
речнай школатъ эзда, коса рабо-  
тай пионервожатайкс Сергей, при-  
масть участие аныцек пионерхне.  
Олимпиадати синь цебарьста ано-  
ласть и пионерхне няфтьсь художе-  
ственной оцю мастерство.

Заречнай школась олимпиадаса  
казьф мандолинаса и 2 балалай-  
каса. Сергей ульсь пяк рад эсь  
сатфксонзон мархта, сон тянь ашезе-  
учсе.

\*\*\*

Сергей кенерькшнесь сембе  
ширьде. Шить работась колхозса,  
а иля день пяли моли пионеротря-  
ду ниньгя тядь башка редактиро-  
вандакшнезе колхознай стенгазе-

(Пец 4 це лопаширеса)



# Мокшэрзянь АССР-нь ЦИК-ть нилеце сессияц

Мартть 12-це шистонза 5 частста илять ЦИК-ть зданияс, МАССР-нь ЦИК-ть председателенц Сурдин ялгать нюръхкяня вступительнай валдонза меле, панъжевсь Мордовиянь ЦИК-ть нилеце сессияц Сессияс примсхть участия 100 ломаньда лама, конатненъ йоткса ульсь Васильев ялгась (ковылкинаны птицевосхозть директор, кона казъф Ленинонь орденца), Пушкина ялгась (Зубунь райононь „Большевик“ колхозса телятницасы, кона казъф „Знак почета“ орденца), Курмышкинц (Атемарской МТС-са молотилкань машинистс кона казъф „Знак почета“ орденца), крайисполкомонь члетне Новиковсь и Воробьевсь и ВЦИК-нь членц Агеевсь.

Сессиять шинь повесткасонза тяфтама кизефкт:

МАССР-ть 1936-це кизоньди народно-хозяйственной планоц (докладть тиезе Совнаркомть председателец Козиков ялгась).

Мокшэрзянь АССР-ть 1936-це кизоньди бюджетонц (докладть тиезе Наркомфинц Ляхов ялгась).

ЦИК-ть колмоце и нилеце сессиязон йоткса пингть эзда МАССР-нь ЦИК-ть президиумонц мархта лифнеф путфксненъ кемокстамасна (докладть тиезе МАССР-нь ЦИК-ть секретарец Мурзакаев ялгась).

Мокшэрзянь АССР-ть народно-хозяйственной планоц колга доклад эрзянь кяльса азонцъ СНК-ть председателец Козиков ялгась. Тяда меле таяк жа докладть сон азондозе рузонь кяльса, конац ульсь аделаф мартть 13-це шиста шовдавань заседанияс.

Тяда меле тиенцъ доклад МАССР-нь Наркомфинц Ляхов ялгась.

Мартть 13-це шиста шовдавань заседанияс

## СНК-нь председательть Козиков ялгать докладонц коряс поениятне

Васеньце валсь ульсь максф телятницати-орденоноскаци Зубунь райононь „Большевик“ колхозса Пушкина Мария Михеевна-ти, конац корхтась мокшенъ кяльса. Сонь реченц мокшеннеста рузкс йотафнесы ЦИК-ть председателец Сурдин ялгась.

— Эсь выступлениясонза, — корхтай сон — Пушкина ялгась азондкшни животноводстваса стахановецненъ всесоюзнай совещаниясон колга, конац эса сон ульсь казъф правительствать мархта „Знак почетонь“ орденца. Пушкина ялгась азондкшнесыне впечатлениязон Москуть колга, метротъ колга, столилицать сембе достопримечательностензон колга. Башка впечатление сонь лангозонза кандсь (произвел) народонь вождьсь Сталин ялгась.

Пушкина ялгась сявоньди эсь лангозонза обязательства: тя кизоня работамс ниньге сяда цебарьста и сатомс рекорднай показателъть молоднякть ванфтомасонза и выращиваниясонза.

Молотовъ лемса колхозонь председателсь, Ардатовань районца Тимонин ялгась, конац ня шитненъ эзда аделазе МАССР-нь Наркомземса агротехникань кафта недялян семинартъ, дикхи предложение, штоба Мордовиянь эрь колхозонь председателсь йоталь курст агротехникаса.

— Аш меств кяшендемс, — корхтай Тимонин ялгась, — колхозонь председателхненъ ламосна аф содасазь, мзярда и кодама почват

ненди эряви усксемс назем. Эсь пиньгстонза и видеста пашкодемск агротехнической тя мероприятиять — тянь эзда зависит урожайсь. Тимонин ялгась ЦИК-ть сессияц кяцта анай, штоба нолдальхть колхозти грузовой 1—2 машинат колхозонь транспортть вишкоте монза.

Малахов ялгась (Зубунь районца „Дубитель“ заводть директороц) корхтай заводть сатфксонзон колга. Ниньге аф кунара, йотай пингть эзда „Дубитель“ заводсь ашезе пашкодкшне производственной программанц. Тяни жа нолдави экстрактъ качестванц коряс заводсь занязе васеньце вастъ Советонь Союза. Ня сатфксненъ заводсь сатозень квалифицированной, цебарь кадрань кочкамать мархта.

Тяниенъ пингть заводса работайхть 40,3 процентт коренной на селениять эзда, ламотне синь эздост нормасон пашкодкшнесазь 250 проценттс.

Заводть территориясонза ули аф полной средней школа, коса тонафнихть 300 ученикт. Школаса уштомась паровой ули электричества, физкультурнай зал и учебнай лама кабинетт.

Станя жа ули заводской клуб 350 ломаненьди, конац получандась цебарь оценка московской театрань артистненъ эзда, конат путнестъ лама постановкат клубса.

Йотай кизоня заводти строяфт 3 этажса жилой колма помещениат заводонь рабочайхненди.

## Цебарьста работайхть драматической и физкультурнай кружокне

Саранск. Мокшэрзянь рабфакса тяниенъ пингть цебарьста работайхть драматической и физкультурнай кружокне.

Эрь выходной шине рабфакса путневихть постановкат мокшенъ, эрзянь и рузонь кяльса.

Ня шитненъ эзда Саранск — Куйбышев лыжной пробегть командроц клубса тийсь лекция пробегть колга. Сон цебарьста студентненди азондозе, кодама оцю значени-яц тя переходть и кодама сталмот васечность ки кувалма.

Улисов ялгась мярьгсь студент-

ненди, што мон сирян, тейне 42 киза, но кда эряви мон аран тинь мархтонотт ряц эсь родинаньконь арелямонза.

Физкультурнай кружокса, руководительницась Игуменова ялгась цебарьста ладязе работать. Сонь кружокоц сидеста няфни выступлениат вечерхненъ эса.

Сембе кружокне тяниенъ пингть аноклахть олимпиадати, а сяда паяк физкультурнайсь и драматическойсь.

Арбузов

Мартть 13-це шиста илядень заседанияс

## СНК-ть председателец Козиков ялгать и Наркомфинц Ляхов ялгать докладсон коряс поениятне

Васеньце валсь илядень заседанияс прениятненъ эса максф Медведев ялгати. Медведев ялгась азондозе, што рузаевкань кирпичень тиема заводсь эрь кизоня касфнесы производственной программанц. 1936-це кизоня заводса арьсеф тиемс 9 миллиотт кирпичть. Заводсь васеньцеда ушелсь чере пицань тиема. 1936-це кизоня арьсеф заводти путомс 330 тьожатъ цалковай капитал. Правильнай и эсь пиньгстонза финансированиясь максъ возможность заводти сатфкс мархта пашкодемс касфть производственной программанц.

Тундань видемати анокламать колга корхтась Шиповский ялгась (МАССР-нь Наркомземса) Сон корхтай, што колхозонь паксятненъ лангса ловонь кирьдемась количественнайста пашкодкф, а качественнайста апак. Навозсь марнек апак усксек. Видьмотненъ триер пачк нолдамасна йотни аф удовлетворительнайста, сембедонга паяк Горбеевань районца, коса 20 колхост ниньге ашесть кярмочне тевти. Зубунь районца — 12 колхост Ельниковонь районцъ видьмотненъ триер пачк нолдамаса ащи сембе

да меколе. Кальдявста моли видьмотненъ сортовой лангс полафнемасна (40 процентт полаффт).

Шиповский ялгась няфни сеялкатненъ кальдявста петемасонлангс, сембедонга паяк Рыбкинань райононь мамолаевской колхозса.

Тятненъ кизотъ яровизированнай видьмоса арьсефоль видемс 150 тьожатъ гектархт, но видьмотненъ яровизировандамс помещениатне и цебарьста аноклаф яровизаторхненъ лувкссна аф сатомшка.

Корхтамок тундань видемати анокламать колга, Тяпаев ялгась (Зубуста) няфни, што районца аштрак орнай плугг.

Рыский ялгась (МАССР-нь Наркомздравсь) няфнемок Мордовияса шумбрашинь ванфтомать лангс (лечебнай заведениятненъ касфтомасна, социальной урматненъ мархта успешнай тюремась), няфни, што башка райоттненъ эзга ниньге кальдявста ладяф родоспоможениясь. Республикаса аныцек 10, шафтомань хатада. Саранскайса успешнайста йотафневи шафтомань обезболеваниясь.

Кулаков ялгась станяжа корхтась паксянь станонь строямать колга.

## Сьолговсь МАССР-нь ЦИК-ть нилеце сессияц

Мартть 14-це шистонза 8 частста шовдава, ЦИК-ть председателец Сурдин ялгать заключительнай валдонза меле, аделазе эсь работанц МАССР-нь ЦИК-ть нилеце сессияц. Сессиясь кемокстазе МАССР-ть

1936-це кизонь народно хозяйственной планоц и бюджетонц и ЦИК-ть колмоце и нилеце сессиязон пингста МАССР-нь ЦИК-ть президиумонц мархта лифнеф путфксненъ.

## ПИОНЕРВОЖАТАИ

(ПЕЦ. УШЕДКСОЦ 3-це ЛОПАШИРЕСА)

татъ, кенерькшнесъ якамс якстеръуженяв од ломатътненди, мушендсь пиньге районнай газету замекань сьормадомска.

Сергеенъ содалхне эрь колхозниксь. Кие сонь кельгольхне, а кие афи няельхне ба.

И вов вестъ...  
...Колхозонь бригадирсь Горлышкинц калафтозе трудисциплинать бригадаса. Горлышкинц симонцъ винада, кальдявста ванцъ колхознай паршить шири. Самокритикась бригадаса, да и колхозсонга ульсь люпштаф. Горлышкинц кяленц кирьнезе колхозонь председателсь Игошинц и лия „активист“.

Колхозникне ульсь аф довольнайхть тяфтама порядкатненъ мархта, но наружа корхтамс тянь колга пельсть. Положениясь — критическай: колхозть умышленна вятезь срадома.

Сергей шарькодкшннезе, што кда эсь пиньгстот аф кяромс пулосна — „руководительхненъ“, эста кармайтхъ улема кальдяв последствият. Эряви действовандамс решительнайста. Сон сьормадсь синь колгаст стенгазетав и тяда меле материалть кучезе следственной оргаттненди мерань примамс.

Содамок, што тя тевть тиезе Сер

гей, Горлышкинц и Колесниковсь симсть винада и иреотонь прятпикссезь Сергеенъ.

Горлышкинц и Колесниковть тянь инкса валхтозь работаца и макссть теест заслугань коряс.

Колхозникне ульсь радт, што колхозть мархта кармасть управляндама лия, цебарь ломатът.

Главнай рольть Горлышкинц бригадирть разоблачандамаса налккозе стенной газетасы и башка сонь редактороц Кузнецов Сергейсь. Эстонь перя „10 октябрь“ колхозть стенгазетаци сонь редактороц завоевандасть оцю авторитет. Стенгазетафтома колхозникне коданга немогли обойтись, а Кузнецов Сергейти кармасть обрашандакшнема оцю почтенье мархта. Д кода жалъ — вдь сон ашезе ужальде эсь пранц, сянь инкса, штоба разоблачандамс ся ломатътненъ, конат срафнесазь колхозть, сон кинь эздонга ашезь пель.

Молодец Сергей — корхнестъ теенза колхозникне.

А Сергей прокс отвечакшни: — Мон тясса не причем тяфтамкс монь воспитандамань комсомолсь.

Пав. Зорев.

Отв. редакторсь Ф. С. РУСЬКИН

Уполномоченный главлито № 447. Заказ № 1021. Тираж № 2480.

Саранск типография „Красный Октябрь“ Мордгиза